

关于清明节的诗

1.
时霎清明，载花不过西园路。嫩阴绿树。正是春留处。燕子重来，往事东流去。征衫贮。旧寒一缕。泪湿风帘絮。——吴文英《点绛唇·时霎清明》

2.
一郡官闲唯副使，一年冷节是清明。春来春去何时尽，闲恨闲愁触处生。漆燕黄鹂夸舌健，柳花榆荚斗身轻。脱衣换得商山酒，笑把离骚独自倾。——王禹偁《清明日独酌》

3.
万点猩红将吐萼，嫣然迥出凡尘。移来古寺种朱门。明朝寒食了，又是一年春。细干柔条才数尺，千寻起自微因。绿云蔽日树轮囷。成阴结子后，记取种花人。——顾太清《临江仙·清明前一日种海棠》

4.
芳原绿野恣行时，春入遥山碧四围。兴逐乱红穿柳巷，困临流水坐苔矶。莫辞盏酒十分劝，只恐风花一片飞。况是清明好天气，不妨游衍莫忘归。——程颢《郊行即事》

5.
南北山头多墓田，清明祭扫各纷然。纸灰飞作白蝴蝶，泪血染成红杜鹃。日落狐狸眠冢上，夜归儿女笑灯前。人生有酒须当醉，一滴何曾到九泉。——高翥《清明日对酒》

6.
街头女儿双髻鸦，随蜂趁蝶学夭邪。东风也作清明节，开遍来禽一树花。——陈与义《清明二绝·其一》

7.
清娥画扇中，春树郁金香。出犯繁花露，归穿弱柳风。马骄偏避幟，鸡
骇乍开笼。柘弹何人发，黄鹂隔故宫。——温庭筠《清明日》
8.
好风胧月清明夜，碧砌红轩刺史家。独绕回廊行复歇，遥听弦管暗看花
。——白居易《清明夜》
9.
清明时节雨纷纷，路上行人欲断魂。借问酒家何处有？牧童遥指杏花村
。——杜牧《清明》
10.
梨花风起正清明，游子寻春半出城。日暮笙歌收拾去，万株杨柳属流莺
。——吴惟信《苏堤清明即事》
11.
蚤是伤春梦雨天，可堪芳草更芊芊。内官初赐清明火，上相闲分白打钱
。紫陌乱嘶红叱拨，绿杨高映画秋千。游人记得承平事，暗喜风光似昔
年。——韦庄《长安清明》
12.
清明上巳西湖好，满目繁华。争道谁家。绿柳朱轮走钿车。游人日暮相
将去，醒醉喧哗。路转堤斜。直到城头总是花。——欧阳修《采桑子·
清明上巳西湖好》
13.
满衣血泪与尘埃，乱后还乡亦可哀。风雨梨花寒食过，几家坟上子孙来
？——高启《送陈秀才还沙上省墓》
14.
佳节清明桃李笑，野田荒冢只生愁。雷惊天地龙蛇蛰，雨足郊原草木柔
。人乞祭余骄妾妇，士甘焚死不公侯。贤愚千载知谁是，满眼蓬蒿共一
丘。——黄庭坚《清明》

15.

新烟着柳禁垣斜，杏酪分香俗共夸。白下有山皆绕郭，清明无客不思家。
卞侯墓下迷芳草，卢女门前映落花。喜得故人同待诏，拟沽春酒醉京华。
——高启《清明呈馆中诸公》

16.

朝作轻寒暮作阴，愁中不觉已春深。落花有泪因风雨，啼鸟无情自古今。
故国江山徒梦寐，中华人物又销沉。龙蛇四海归无所，寒食年年怆客心。
——屈大均《壬戌清明作》

17.

暖日宜乘轿，春风堪信马。恰寒食有二百处秋千架。对人娇杏花，扑人
飞柳花，迎人笑桃花。来往画船边，招飏青旗挂。——白朴《庆东原·
暖日宜乘轿》

18.

耕夫召募爱楼船，春草青青万顷田。试上吴门窥郡郭，清明几处有新烟。
——张继《闾门即事》

19.

无花无酒过清明，兴味萧然似野僧。昨日邻家乞新火，晓窗分与读书灯。
——王禹偁《清明》

20.

问西楼禁烟何处好？绿野晴天道。马穿杨柳嘶，人倚秋千笑，探莺花总
教春醉倒。——王磐《清江引·清明日出游》

本文链接：<https://duanjuziku.com/duanjuzi/0yg0tnlq84.html>